

幸魯盛典

卷三十五 卷三十六



幸魯盛典卷三十五

恭遇

駕幸東魯釋奠

先師禮成

御製詩篇勒石垂示永久敬賦七言律三首


戶部河南清吏司員外臣李振世

漫道穆王馳八駿還輕夏后御雙龍豈如

帝德崇師範直以

天顏挹聖容巖竊宮牆瞻美富淵源洙泗見朝宗

宸章親灑由來少迴出東山第一峯



其二

玉輦東巡謁素王千官拜舞和

龍章杏壇雨露

天恩遠軒架金絲

聖治光自有平成闕述作不將封禪溯羲黃同文海宇

胥歸極應比尼山日月長

其三

甲子

鳴鑾下孔林有虞東狩又逢今九成樂備明禋志五

字詩傳精一心

御蓋留時光俎豆

宸章題處重球琳

尊師曠典真堪紀萬歲千秋頌

德音

恭頌

皇上駕幸曲阜祀

至聖先師孔子十章

戶部河南清吏司員外臣莊名弼

維

皇承運上元甲子武功既成敷文伊始舊染維新民寧

幹止海晏河清軒舞再起

其二

維天愛道圖書以宣肇啓羲皇一畫開先黃帝堯

舜道乃遞傳作君作師二典有編

其三

放勳欽明重華是述允執厥中危微精一禹湯文武基命宥密爰逮尼山道高上律

其四

大哉

孔子天縱作聖刪定贊修六經是正生民以來未有其盛立道綏和萬古胥慶

其五

帝曰欽哉

聖居近止夢寐羹牆登堂乃是八鸞鏘鏘遙指闕里

龍旗十乘

聖心則喜

其六

帝曰欽哉有嚴有翼宗廟百官美富是式乃命秩宗惟寅惟直虔修祀事恪共爾職

其七

有嚴

天子穆穆皇皇得門而入數仞宮牆孫枝奕葉濟濟跄跄金聲玉振獸舞鳳翔

其八

其八

卷三十五

四

惟

聖契聖千載同堂乃揮

宸翰錫寵揚光萬世師表棹楔垂芳唐宗漢祖陋無文章

其九

泰運方開文德是暢虞庭喜起夔拊臯颺亦越成周卷阿繼唱於斯爲盛萬代企仰

其十

天章煥乎光昭宇宙人文化成千載莫邁小臣備員粗知句讀

天子萬年弼拜稽首

恭頌

聖駕幸闕里詩

戶部江南清吏司主事臣裴克珮

光被隆唐帝薪傳紹素王肅將殷盟薦馨欵恍宮
牆俎豆方陳設圖書竝禘皇彝倫欣秩敘昭格在
馨香今古微言契雲孫奕葉昌

殊榮邀晉錫

宸翰灑奎章玉帛頒羣后聲靈動八荒古皇齊軌轍後

聖藉津梁

--	--	--	--	--	--	--	--	--	--	--	--	--	--	--

大駕幸魯恭紀

戶部山西清吏司主事臣張天覺

聖學千秋重

君恩百代先

皇躬親俎豆

仙仗耀山川

華蓋尊師表

鴻文紀道傳

湛恩兼鉅典東魯戴

堯天

聖駕幸魯恭紀一章

戶部浙江清吏司主事_臣方伸

上元甲子應期昌揆文奮武靖八荒在廷稽首咸
拜颺登封告類宜肅將我

皇謙讓日未遑粵稽古典載省方

金輿翠輦南東行盱眙童叟跂踵望聿崇聖道先闡
揚鐘鼓殷旬日觀旁森森靈爽檜柏蒼朱檐碧瓦
數仞牆素王儼在情洋洋摳衣祇肅登陞堂車服
禮器何煥煌諸儒導前後趨蹌

一人俯仰度穆皇潛通肝蠻儼衣裳僊韶縹緲翕天閭

四氏子弟我奉璋沛以

殊恩露零灑蔚哉

睿藻摛奎章昭回屈注連天潢春金撞玉媿鏗鏘豐碑
聳屨高且昂階祀炯炯星日光緬邈秦灰魯壁藏
微言榛塞黷不茫亦有祀祠漢及唐列代續承稱
賢王羣言龐雜間老莊清虛苦空遞頡頏疇秩厥
禮軼殊常一歸正學籛糝糠惟

皇心源洙泗長手障東川瀾不狂誕敷聲教訖四疆上
作下應網在綱鳳凰鳴矣於高岡八風吹出宮與
商小臣詞劣漢田郎秋吟蟋蟀沿柏梁渺希風雅

頌泱泱高深萬一詎能當靖共祇勉庶事康卿雲
載賡歌明良

聖駕幸魯恭紀

戶部福建清吏司主事臣王穀韋

省方勤夏載問俗繼虞巡峻拒云亭議

虔過洙泗濱千官陪

法駕萬騎歷城闔鄆邑傳

仙蹕尼峯

駐玉輪旗翻檜樹影佩拂杏壇塵車服升堂見人筵

入廟親

宸躬方穆穆

胄子復詵詵壁訪藏經處書稽吐玉晨德馨傳俎豆

曠典舉明禋執鬯

心逾肅披帷

意自真禮成欣鼓篋樂奏恍聞鈞四姓皆沾澤諸生

更

賜緡

天章輝日月

奎翰燦星辰

楷法龍文麗

詩篇鳳藻新

綸言誠博大貞石亦嶙峋往者王風寢因之至教溷老

莊滄列代楊墨煽先秦絕續憂吾道匡扶仗

聖人謙懷昔未覩大義此重伸樹鶴惟暮訓程材但洛

閩功超三代上治比百王醇浩蕩逢

昌運迂疎愧小臣望洋空致歎入室竟無因幸戴堯

天化寧愁顏巷貧康衢聊擊壤盛世仰垂紳應識

今皇德真將造化均

恭紀

駕幸闕里詩

禮部儀制清吏司主事臣鄧性

百代斯文振羣方雅化同

崇儒循遠緒

闡道振宗風已自羹牆見何須夢寐通

宸章顯褒贊今古關鴻濛

恭紀

聖駕幸魯詩

刑部雲南清吏司主事臣王謙

閭門曉啓出

鑾輿

勅戒前騶下交徐樂道頓忘

天子貴

崇儒願近

聖人居魯生獻賦登高日衛士歌風脫劍餘快覩

宸遊光鉅典五雲長護玉麟書

皇帝幸魯躬祀闕里詩

內閣撰文中書舍人臣陳悅旦

巍巍

帝德大無疆效法由來自

素王方

幸岱宗隆望秩旋臨闕里肅冠裳明經須近龜蒙地

觀禮爰登鄒魯堂欣覩

龍旗徐至止式瞻鸞序凜趨蹌杏壇雨露重沾潤泗

水星辰益煥光樂奏九成諧舞蹈祀陳三爵薦馨

香嘒嘒大呂明堂下隱隱洪鐘輦路傍道貌久知

親夢寐德容仍喜見羹牆講筵更覩威儀盛侍從

皆聆訓誥彰

御筆餘輝騰日月

睿思雅韻叶宮商遙馳

法駕山川莫崇豎豐碑松柏芳允矣休風超漢宋荷

歟曠典繼虞唐

大駕幸闕里賦

并序

內閣撰文中書舍人臣于漢翔

粵稽虞后四巡天王時邁詩書之文可考而知也

繼此或有事登封或循行阡陌不過問俗省方陳

詩納賈而已其於崇師重道之典無聞焉即漢高

過魯祀以太牢史特書之用誌美也然其時禮制

缺如儒風未振識者惜之豈如我

皇上契危微精一之傳建禮樂中和之極左圖右史日

就月將紹千聖之芳型為百王之懿範者哉彼夫

文宣之號錫於開元器物之頒優於廣順又瞠乎

後已歲在甲子律叶應鐘乃肇舉東巡禮祀泰岱
既而過曲阜謁孔林且親詣其宅里焉爲之賦以
抒其所見爲之詩以致其所尊又

御書萬世師表四字用光聖教遂使尼山木鐸行於
車塵馬足之餘璧水宗風特煥於珠榜璇題之下

臣 弇鄙無文安能揚扃

高深於萬一然而躬逢鉅典其能已於鼓吹哉爰拜手
稽首而爲之賦曰

惟道法之相續亘今古而無垠伊祁以上氣象渾
敦鴻濛肇啓司教惟人皇極攸建錫福臣民治化

翔洽俗茂風淳自時厥後君師統別大道同塗遂
分畛域曲學繁興王澤下竭不有聖作而物覩曷
克使君極以尊師道以立維我

皇之景樂兮教訖於萬方際河流之効順兮海波不揚
偃武而益修文兮舞干羽而垂裳運

神謨而授方畧兮捐夔臚而靖欖槍擴禹貢之版圖兮
重九譯而闢八荒

天子方擁圖書研經史探珠淵之秘藏闡酉山之奧旨
既遊心於簡冊欲訪道於崆峒應上元之甲子遂
啓駕乎蒼龍倣古巡狩至於岱宗爰是雲罕舉翠

三會盛典 卷三十五
蓋擎熾阿曳縞而御輓朱鳥舒翼而倚衡蚩尤秉
燾勾陳靡旌干旗谷轉四牡風輕暎日觀歷云亭
燔柴瘞璧獻幣陳牲海若因之動色山靈爲之呼
聲是時猶未臨乎曲阜也乃曳虹霓淨氛埃步河
濟踰江淮鮫人貢篚以承露馮夷擊鼓以鳴雷銜
枚而雞犬晝息弭節而黍谷春回戒秋毫其無犯
布陽和於方來草何知而欲結民有感而胥懷旣
乃景行念切仰止欲抒謂是行也非徒攬乎遊觀
之勝豈聊逞乎心目之娛顧瞻孔林勒轡停輿景
昌平之芳躅幸闕里之名區其山則逶迤襟帶鳧

釋龜蒙崩劣峯聿霞蔚雲封有似乎雙闕之聳峙
而樹聖人之文峯其水則泗洙縈繞道脈源長淪
滄灑潏澄流沂光沐浴日月激盪陰陽有似乎濯
文河而波濶倬雲漢以成章其石則城功砥硤陸
離歷落古篆螭蟠豐碑薜剝有似乎繁星之麗天
紛垣野其相錯其木則文楷挺秀翠栢摩尋檜霧
晴暝松風晝陰蒼鼠竄逐以斂迹良禽容與以棲
音有似乎三千士之環羅而濟濟七十子之拱立
而森森於是肅明禋虔昭對詩歌三章禮嚴
九拜庭燎熒煌爐烟鬣鬣肸蠁豐融鼓篋祭菜玉瓚

三會盛典 卷三十五
黃流繽紛藻績俎豆誠貫乎升中笙鏞響逸乎雲
外觀其殿宇軒楹恍梁木之未壞觀其車服禮器
儼哲人之如在固大成之聖宜崇實右文之

主是賴斯時也一陽初動萬彙昭蘇飛霰絢乎堦角
雲覆乎葭莩和鸞鳴而應律冷風拂而吹枯日角
珠庭光乎十哲金聲玉振徹乎兩廡煥文章於魯
壁陋綿蕞之漢儒典禮既成工歌已畢樹長旃以
前行斂曲蓋而不飾匪直過里以式廬乃遂登堂
而入室望峻宇之崒岵兮類帝閭之岌業排深闥
之幽窳兮翳仙居其髣髴繚象緯於周垣匝卉木

於粉堞聚奎斗於崇墉落文虹於丹壁對几杖戶
牖之在前撫劔佩琴書之在側若函丈之匪遙庶
羹牆之可接啓五經而悟薪傳進諸生而開講席
賚之以縑緇錫之以品秩推恩以旁逮乎宗祊勒
石以永留乎勝蹟誠曠代之隆施洵

盛朝之極則

天子於是睿思泉湧灑灑洋洋振千言之

宸詠煥萬仞之宮牆星辰紉縵乎硯匣風雨馳驟乎筆
床體製遠駕乎栢梁之上光芒直射乎杏壇之旁
屹然銀鈎兮鐵畫配夫山高兮水長若夫惠風遐

暢甘露覃敷既省耕而省斂亦賜復而賜除勸稼
稽於阡陌勤慰勞於農夫審肥瘠於原隰辨燥濕
於方隅盼屬車之一至樂豐年之多稔久已心周
於廣野今復身歷乎康衢皞皞乎民登於春
臺之上喁喁然風進於循蜚疏化之初凡此深仁
與厚澤皆由厭飫乎道腴於是乎兒齒鮐背之叟
含哺鼓腹之儔相與喟然而歌曰望翠華兮六素
虬建鸞旗兮薄天游揚淑問兮桑田稠沛膏澤兮
頌聲流安得稅駕兮歲時巡乎九州而巖穴之士
竊聞

幸魯之盛儀快觀崇師之曠典莫不抃舞而起曰瞻彼

東山兮玉露盤桓登其堂與兮想像衣冠聆

天語之煌煌兮樹立山寒誦

宸章之炳炳兮雲燦星攢揭大道於中天兮下際上蟠

振微言於千載兮玉檢金函翳儒林之繁會兮爭

欲憑軾結鞞圓橋門而聽觀所以際乎昇平前代

未足方其至治契乎心源往聖洵有資夫六經即

列辟臨雍釋奠之典章無踰我

皇之誠摯又何况七十二代封禪之文安得頡頏而相

媿然而

天子猶孜孜靡暇嘉意芸編酌前謨而爲憲味至道而爲言諮典故則慎簡夫碩彥參政治則特拔乎遺賢凡因革損益之允當信聖神文武之兼全故能綠書出於河源醴泉湧於池圃丹鳳集於高禘嘉穗呈於率土天休調劑乎五行坤維順應乎六府膺卜年有道之長受百世無疆之祐簪筆而紀者方將載

鴻烈於無窮故

盛事特書於東魯

幸魯盛典卷三十五終

幸魯盛典卷三十六

聖駕幸魯恭頌四首

內閣 撰 文中書舍人 臣 宋志梁

文教開東魯崇儒自

聖朝仙源停

日駕闕里攬雲翹絲竹聲飄紗龍蛇影動搖九儀隆
灌獻觀聽肅園橋

其二

緹室灰初動天心轉一陽

豹車承檜露

龍衮帶芹香兩廡冠裳肅千秋俎豆長太平崇禮樂

藝苑藉笙簧

其三

堂畔穹碑在

絲綸沛

九天

王言雲漢麗

宸翰日星懸疑有蛟螭動真堪琬琰鐫摩挲欽墨寶珍

重越珠蟻

其四

元聖功勳遠名儒理學深遺風傳奕世

特典賜華簪文德漸天壤

恩榮軼古今萬方親

盛化歌誦溢儒林

聖駕幸魯恭紀

行人

司

司

正臣

程兆麟

葭管飛灰日昌平

駐蹕時雲陰移雉尾樹影抱

龍旗

萬乘躬勤學千秋自得師巍巍瞻闕里肅肅拜階墀
咳真如在羹牆恍見之心源全默契俛仰有仁思

鳳翰星辰麗

鸞章琬琰垂十行香爛熳五字墨淋漓直擬探三昧何
能贊一辭蛟螭纏古鼎神鬼護穹碑擊拊聲諧律

周旋步中規禋虔接俎豆肅穆對盤匱統緒尊姬
旦薪傳溯洛伊承

恩多異數

賜爵荷榮施榱桷雲霞燦松楸雨露滋遭逢不易
踴躍慶

昌期

聖駕東巡幸魯恭頌

國子

監監

丞臣陸鳴珂

函夏昇平日

深宮暇豫辰

六飛勤法駕百辟望清塵虞典燔柴舊軒皇問道新
岱宗崇秩祀闕里觀明禋車服先型古馨香

御氣親大官供俎豆仙樂奏伶倫拜舞分丹陛心蹌

接絳宸

聖情餘繾綣

睿藻煥絲綸

翠蓋分天上穹碑立泗濱徘徊虬檜健俯仰壁經渾
爵土褒宗子

恩施逮庶人道心千載合元會兩儀淳望氣

奎光聚觀風

盛事陳太平欣有象至治快無垠幸際斯文啓咸瞻

吾道伸東巡告成禮奕禩頌

皇仁

駕幸闕里釋奠恭紀二律

中書科中書舍人臣朱雲

玉輅時巡過泗沂奎婁舊寓有光輝千秋契合

君師統九獻精禋咫尺威煥爛

天書垂麗藻歲蕤

御蓋拂煙霏魯邦今日沾

恩澤父老扶藜覲

六飛

羽衛鈞陳指聖林榛蕪自闕待

天臨

皇情俯察神著瑞法曲相和文鳥音馬鬣舊封增式廓
袞衣新廟薦時歆穹碑霄漢咸瞻仰絕勝金泥梁
父陰

駕幸闕里釋奠恭紀

中書科中書舍人臣汪以澄

聖德光天壤遐陬淑問揚法乾行不息繩武道彌昌精
一傳心學羹牆見古皇

講筵勤訪落經術重陳常主敬幾康飭存誠逸豫防
揮毫珠錯落挾藻玉琳瑯問寢

慈闈切展親一體彰

郊壇時肅穆祀典久輝煌屢有蠲租

詔時頒泣罪章訟庭春藹藹蔀屋福穰穰俗易乾坤闢
兵銷日月光車書同萬國琛賚貢遐荒瑞應先天

幸魯盛典 卷三十六
黍休徵若雨暘勤民嘗旰食底績協垂裳脫劍崇
文治尊經弊

素王修明昌正學筆削挈弘綱事業賢堯舜聞知埒
禹湯三才堪竝立百禩賴胥匡廟貌昌平舊衣冠
闕里藏

謂宜親釋奠豈特禮膠庠日麗秋前樹天融霽後霜
霓旌拂曉曙仙仗動巖廊氣挹東山秀源尋泗水
香宣尼如覲面顏孟恍同堂遺制儀曹備隆文

睿慮詳

典朝瞻異數師表有餘芳嵩嶽懽呼遍芻蕘恩澤長

巡行當此日共慶樂無疆

聖駕幸闕里釋奠

先師禮成恭紀

有序

中書科

中書舍

人臣徐樹毅

竊以姬王建學棫樸興歌漢后臨雍明堂作頌凡
茲臣庶共觀鴻庥苟具心知宜申踴抃譬彼康衢
田父能言帝力之弘栢梁小臣得與賡颺之末斯
實普天之同慶抑亦載籍之光華也欽惟

皇上

學貫一中

道隆三極

稟狗齊之睿質更懋緝熙

奏者定之神功益勤宵旰肆經綸乎宇宙尤研極乎
幾微越三代而上法陶唐曠百世而獨師

孔子遂因

東狩特

幸魯邦登闕里之堂龍蹲如在問洙源之域馬鬣依
然雙闕遺壇猶傍大庭之庫重垣舊宅尚接靈光
之宮爰進祠官恪修曠典咸平奏曲備六代之宮
懸肅拜將誠薦兩楹之雕俎辨欂檀雒離之種徧
歷金門求紫麟赤雀之踪遙尋防阜將昭

聖德致煩璇榜之題擬導

虔衷遂輟金嬰之蓋既乃旋麾肅仗移

蹕講堂進五氏之譽髦析六經之奧義三英有粲羣

霑安吉之溫兩塾無譁竝拜綈緇之

賜復有豐碑灑藻

優詔蠲租赤舄靈祠苾芬創舉白雲封檢燿火遙通皆
一代之鴻猷歷千秋而罕遇粵自軒轅命駕寰野
洎乎顓頊求師綠圖盛德冲懷後先輝映若漢高
之特牢致享宋祖之列戟施門以擬我

皇睴乎後矣微臣冗陋幸際昌期敬獻蕪章聊申葵志

辭曰

聖主垂裳會薰風滿

帝寰河山朝虎觀日月近

龍顏夔樂簫韶正虞禋瑞璧頌碧霞遺廟曲玉女蒼池

灣探策開金篋捫碑叩石關

東巡修典禮左顧切痾瘵暮草青川驛寒雲白下山

雕輪從電去繡騎逐飈還歸德靈祠閟昌平古木

環琴臺麟跡杳露井鳳儀髣髴豆椒馨薦雷犧薜

色斑一誠

宸藻煥三禮

睿躬嫺賜錦天袍耀封書玉軸圓雲樓堯日靜射圃孔
堂閑金勒穿林外珠旂映水間九華舒帳殿七寶
飾刀鏤雪扇欺銀雀霜鞞亞白鵬鬚旃光轉綠毳
幕彩微殷魯國親

龍袞鄴鄉覲鷺班文明傳盛事萬古莫躋攀

聖駕幸闕里釋奠

先師禮成恭頌

中書科中書舍人臣臧眉錫

至聖高千聖

今皇邁百王

升堂如授受

入室仿羹牆

宸翰風雲麗

龍文日月光中天逢盛典從此道彌昌

--	--	--	--	--	--	--	--	--	--	--	--	--	--	--	--	--	--	--	--

聖駕東巡幸闕里恭紀

行人司行人臣徐炯

武庫揮戈日靈臺偃伯時敷文求至道秩禮重

先師

丹昭代鴻基創章嚴林特全畫神豐象金殿清風滿

今皇雅化隨春秋當曆序甲子會昌期南紀巡非遠東

封事尚疑觀河思大禹望嶽想

宣尼赤羽旗方轉金闕兼坐共風行聖廟黜燕燕無

黃麾仗更移齋存兩楹奠敬過一牢祠麗景籠車服

清霜耀戟枝尊曩堂止舊絲竹壁中遺六佾陳笙

齋主牲薦鼎彝禩將循古制肅拜迴常儀布席俄
黃傾耳談經實解頤焚香遊殿一率師靈景簫車鼎
恩屢及舉族賞還推旁矚兼坐兆周行歷廟墀樵蘇無
徑入灑掃有人司大禹望嶽然

寶翰千秋跡春煇當觀乳甲午會昌臨南跡派派非發東
丹綸五字詩雲章懸棹楫奎畫峙豐碑金版非為瑞銀
夫繩未足奇

心源契鄒魯治統接軒義日執德文未至豈赫

人 后 人 人 人 人

聖駕東遊幸闕里恭錄

聖駕幸闕里恭紀四首

太常寺博士戴璠

中天文運啓盛世泰階平禮樂光謨烈詩晉翊
聖明八荒歸化育萬彙慶生成此際
皇心豫

鑾輿發鳳城

其二

昌平佳氣遶遐企

翠華臨庭燎輝鐘簋爐香拂劍琴

君師真合契今古此傳心不識宮牆峻安知

帝澤深

其三

鐵畫摹璇榜鴻文煥綵毫圖球分

睿藻江漢濯詞濤共仰千秋頌還同一字褒從官稽史

冊曠代此

恩膏

其四

况復瞻棖桷歸然廟貌新松楸生氣色苗裔半朝

紳至德思歌鳳文書遡吐麟微臣遙拜手感激頌

鴻鈞

皇上東巡行幸

先師闕里恭賦

有序

國子

監博

士臣陸德元

臣聞虞廷玉曆肆覲羣侯姬室丹書各朝方嶽蓋

端拱而弘覆載固肅紀綱於堂陛之中省方以煥

聲靈亦吞疾苦於閭閻之下况夫崆峒訪道河洛

呈圖蘊藉寶華恢弘蟠際實足薰蒸雅化鼓舞儒

林豈若勒石之采陳詩汾鼎無關睿學徒侈宸游

者乎我

皇上德協元貞運當三五

三會盛典 卷三十六 古
問安視膳孝治皇唐復稅賜脯

恩膏浹洽掃機槍而洗兵歌復旦以解慍車書玉帛六
合爲家文物聲名百昌在宥

謂游仁義之藪澤必酌其源採典謨之芬腴必窮其
奧溯自尼山聳峙泗水深涵剛述六經罔不日月
麗天而江河應地陶鎔萬物有如宮商從律而黼
黻成章雖璧水笙鏞昔曾

臨祀而杏壇松柏尚闕告虔爰

駕六飛瞻言數仞

特申九拜躬奠兩楹大道正中天非冉閔游夏之辭能

贊

至尊猶北面較漢唐宋明之禮尤加子姓裸將賢材秩
序於是加

恩四氏大賚諸生

瞻棟梁以留題

撫手植以作賦凡此儀文之盛皆爲紀載之光更有
篤棐元公多材家相几几待旦袞衣之德依然穆
穆迂衡赤舄之徽邈矣廼修祠宇錫之土田載訪
世昆列於纓紱蓋以鎬豐鐘鼓發夢素王山榛隰
苓懷音西土豈非傳心千載合撰兩儀者哉於斯

時也廣漠清和九垓沐浴父老騰歡於

黃幄風雲結靄於

翠華茂對者三靈蕃庶者庶草安瀾清晏植圭而答
天庥含哺嬉遊扶杖而歌

帝力乃神功不有大德不居重輪五色之祥屏除弗奏

玉檢金繩之蹟謙讓未遑蓋

天子唯求千八百國之盈寧奚暇考七十二君之封禪

也臣渺見寡聞至愚極陋幸逢郅代忝屬成均末

邀太乙之光輝嘗執上丁之籩豆望

金門而待漏搖搖於星稀露浥之交考石鼓以探奇

昧昧於車攻馬同之際佩茲秋實顧慙春華似彼

夏蟲有懷冬曝云爾辭曰

元會承熙洽祥和普萬方武功當赫濯文命聿輝

煌學海宗洙泗封山陋漢唐

時巡屆

輦輅于邁及舟梁穆穆雲霄迴雍雍劍佩鏘觀雲正

日至望岱渾毫芒聖域停

清蹕神臯憩上襄陳書懷魯壁契道見虞牆

建極敷隆化

乘乾振大綱經傳資黼黻義舉叶珪璋木鐸當年振

三會盛典 卷三十一
金聲亘古揚顏曾方入室由賜僅升堂百氏鳴其
說諸儒慎厥防共知同燭火安敢比秋陽道統因
時貴師儀踵事詳

至尊今一顧正學益重光俎豆三登獻宮縣萬舞翊
冕旒躬磬折琮璧告馨香

顧問頒黎老諏詢遍廟廊章縫傳法服几杖列周行球
瑟分韶武尊彝問夏商流風逾皜皜胙蠻信洋洋
殊得

天顏喜還教異數將金貂元子錫玉醴四門嘗古檜摘
文藻輕毫飽墨霜霞雯驚爛漫驥勢看騰驤鈞畫

雲根綠飄飆羽葆黃深林瞻不遠若斧兆相望荆
棘寧潛伏松楸盡老蒼

聖情彌眷戀

睿語倍和莊拓壤參塗外周廬禁籞旁麟游嗟曠野鳳
翺待高岡南國思喬木東山想繡裳

詔司修祀典訪裔列官常周孔情同接

君師道竝昌尊經昭海甸黜異信遐荒大禮垂千禩淳
風越百王介丘符豈探梁父旆空颺魏煥功丕顯
謙冲德更長永依熙皞日保泰頌無疆

--	--	--	--	--	--	--	--	--	--	--	--	--	--	--	--	--	--	--	--	--	--	--

皇上東巡幸魯恭頌四十韻

國子監博士

王吉武

武烈光三象文風洽九州

時巡恩自溥望秩典初衷

欽聖心源接

崇儒禮數周山川隣故里道法景前脩嚮往勞千乘

逶迤度七騶循濱過汶濟望野接奎婁雲氣

鑾輿動天香

羽蓋浮飛翔懷鳳翥草木記麟遊沂水聞

仙蹕防山颺

綵旂闕宮還頌魯舊宅尚傳鄆俎豆千秋在宮牆數
仞優

尊師隆磬折爲道頰

宸旒芹藻登堂獻衣裳入廟捫鬚眉瞻舜禹冠劍懇求
由講席閒居啓韋編大義搜宮懸兼濩夏禮器列
尊卣車服形猶古金絲響更幽遺綦司馬劫斷簡
祖龍讐射圃平蕪滿經壇老樹抽

皇情深繾綣

天語每諮諏回眺岡環拱旋看泗却流神臯驅枳棘靈
域閉松楸封樹仍三板乾坤此一抔設祠重展謁

駐輦更遲留共仰

天顏喜還叨

寵賚稠曲莖分羽葆上服解貂裘雲縵摛辭麗以鈎結
體道烏絲揮玉繭貞石負靈蚪恩禮宗宗光榮
祖德酬遍教沾四氏不獨錫元侯

異數隆誰竝斯文炳未休秋陽逾皜皜長夜豈悠悠
揖讓如神遇羹牆與道謀貞元當甲子心法在春
秋日月謨方顯

皇王德孰侔受書荒赤水刻石陋之采教澤深淪髓風
聲捷置郵詖辭祛頓息兵氣洗全收占象知

昌運觀光及遠陬濡毫賡

盛事慚愧採風謳

幸魯盛典卷三十六終

